

TE KURA KAUPAPA MĀORI O WAIRARAPA

TE PŪTĀTARA



TĒNĀ KOUTOU E TE WHĀNAU

Nau mai ki to tātou mōheni tuarua mō te wāhanga nei.
Kaua e wareware ki te titiro ki te whārangi pukamatā hoki
mō ngā pānui o ia rā, ia wiki anō hoki.

pg.3 HE KŌRERO NĀ TE TUMUAKI

pg.4 TE AHO MATUA

pg.5 HE PĀNUUI

pg.6 NGĀ UARATANGA

pg.7-11 NGĀ AKOMANGA:

KURA NOHINOHI 7

KURA TEINA 8

KURA WAENGA 9

WHAREKURA 10-11

pg.12-13 HĀKINAKINA

pg.14 TUTAKI KAIAKO



HE KŌRERO NĀ TE TUMUAKI

Tēnā tātou e te whānau. Ka nui te mihi matakukui ki a tātou katoa i runga anō i ngā tini āhuatanga o te wā.

Ka nui te mihi ki a matua Ben - kua whakatōngia he tipu hou ki mua i a Kahurangi kia ātaahua ai te tirohanga mai ki tō tātou nei kura i te rori. He nui a tātou kaupapa whakapaipai i te whenua i ngā marama kua taha atu nei, ā, he nui tonu ngā kaupapa ki nua i te aroaro.

A big mihi to matua Ben who has just finished planting our new garden on the road outside of Kahurangi. We have been working to beautify our grounds over the past months - there is still lots of work to go.



ARA PAIHIKARA

Kua tae mai tā tātou ipu nui mō ngā paihikara, ā, i tēnei wā kei te hoahoa i te āhua o te ara paihikara ka whakaritea e tātou ki te whīra - ko te hiahia nui, kua rite tēnei i mua i te mutunga o te wāhangā nei.
The container for our bikes has arrived. We are now busy planning what the bike track will look like - and are hoping to have this finished by the end of this term.

Hei a te 23 o Hune ka whakanui tātou i te ahunga mai o Matariki, ā, ka haere anō tātou ki te mātakitaki i Te Raiona Kingi - taihoa ake nei me ngā whakaritenga.

On 23 June we will be celebrating Matariki and also going to watch The Lion King (in te Māori) - look out for the pānui in the next couple of weeks.

Nāku iti nei
Whaea Pip

Te Aho Matua

Toku reo, toku ohooho

Toku reo, toku mapihi maurea

Toku reo, toku whakakai marihi

Te Reo 2.2

Mō ngā tamariki, kia rua ngā reo o ngā mātua tīpuna, tuatahi, ko te reo o Tauiwi, tuarua. Kia ūrite te pakari o ia reo, kia tū tangata ai ngā tamariki i roto i te ao Māori, i roto hoki i te ao o Tauiwi.



"Ruia te taitea, Kohia te rangiura"

PĀNUI

WINTER UNIFORM



Term 2 is WINTER uniform
please contact the tari if you
have questions about
uniform.

DATES:

Matariki Ahunga Nui

*Nau mai, Haere mai
ki te Whakanui i a
Matariki*

Thursday 23rd June
6am-12pm
Kahurangi



mufti Day!

Friday 27th May

ON AIR

Hook up to our
frequency e te
whānau!

KURA 107 FM

Online -

[https://www.radioking.com/
radio/kura-fm](https://www.radioking.com/radio/kura-fm)

MASTERTON
SHUTTLES

027 961 3973
06 377 1923



RUIA TE TAITEA, KOHIA TE RANGIURA



KURA NOHINOHI


TE IRA TANGATA:
HE KAKANO I RUIA MAI I
RANGIATEA

NGĀ MIHI MAHANA O TE WĀ
KI A TĀTOU KATOA
KUA TĪMATA PAI NGĀ MAHI I
TĒNEI WĀHANGA KI KURA
NOHINOHI.

HE MIHI TĒNEI KI NGĀ
TAMARIKI HOU KUA TAE MAI,
ME NGĀ WHĀNAU HOU.
NAU MAI, HAERE MAI,
AMIYAH HOHUA RĀTOU KO TE
WAIMARINO FOX, KO MACI
MASON, KO AROHA MORUNGA-
WICHMAN, KO AARTIA
HENARE-CUNEEN.

KUA PUKUMAHI NGĀ
TAMARIKI I NGĀ WĀ AKO. HE
PAI TE
WHAKAWHANAUNGATANGA
WAENGANUI I A RĀTOU
KATOA.

"KO TE AHUREI O TE TAMAITI
ARAHIA O TĀTOU MAHI"



Kura Teina



I koa te ngakau te kite atu i ngā mātua i tae mai ki tō mātou akomanga hui. I puta ngā hua nui o te noho tahi ki tō mātou whānau. Ngā mihi ki te hunga i tae mai i taua pō makariri. Ko te manako i pai tō noho tahi ki tō tamaiti ki te tiro atu ki ā rātou mahi.



Nā whaea Piri me whaea Marata

KURA WAENGA

*Aha koa he iti, he iti mapihi pounamu
he kākano i ruia mai i Rangiātea e kore au
e ngaro*

Maha ngā haerenga o Kura Waenga i tēnei wāhanga ako. I whai wā ngā tamaki te haere ki te tautoko i te kaupapa o te hapori i tū ki te taone. I reira, i whakangahaua te whānau, ka mutu ka tiro tiro haere mātou i ngā toa. Mutu ana te kaupapa nei i peka mātou ki te kaupapa whakawhanaunga i tū ki te kura o Lakeview. Tino reka hoki te kai tōtiti. He rangi pārekareka mō mātou katoa.

I tēnei wāhanga kei te aro mātou ki ngā kōrero e pā tonu ana ki ngā waka i hoea mai i Hawaiki me o mātou hononga ki ngā tīpuna o aua waka. A muri ake i tēnei ka rukuhia ngā kōrero e pā ana ki a Rangi rāua ko Papa, a Uru-te-ngangana, a Matariki hoki.

I ia Rātū ka peka atu a Tau 7 ki Mākoura mō tō rātou kaupapa hangarau. Ka tunu kai, ka hangahanga rānei. Miharo ana a rātou mahi ki Mākoura. Ka taea te kite i etahi whakaahua o rātou e tino aro ana ki te whakarite kai. Kei whea mai koutou!!



WHAREKURA

**5.1 Ko ngā āhuatanga
ako katoa he mea mahi i
roto i te kōanga ngākau,
me te whakaihiihi
hinengaro.**



Kei aku rangatira, kei te whānau whānui o Te Kura Kaupapa Māori o Wairarapa, tēnā rā koutou katoa.

Ka huri ngā whakaaro o mihi ki te hunga kua riro, ērā i riro tītapu i ngā marama tata nei, ō tātou whānau maha kua ngaro i te mata o te whenua, haere atu rā. Okioki atu rā i ngā ringa manaaki o ngā tīpuna. Rātou ki a rātou, tātou, ngā urupā o rātou mā ki a tātou.

E mihi ana ki ngā ākonga hou ki a Tuteremoana Tamakehu rāua ko Jayden Collings i uru mai i tēnei wāhanga, ā, kua tau pai ki waenga i te whānau o te wharekura. He nui ngā mahi kei waenga i te hapori e kaingākaunui ana ngā ākonga wharekura i ēnei wiki kua hipa. E kore ngā mihi e mutu ki a koutou ngā ākonga wharekura i hāpai i te kaupapa ki te Kura o Lakeview mō tō ratou kaupapa whakawhānaunga. E mihi ana, e mihi ana.



WHAKEKURA

Waka Ama



5.1 Ko ngā ahuatanga ako katoa he mea mahi i roto i te koanga ngakau, me te whakaihihi hinengaro.

He oranga tinana

He oranga wairua

He oranga hinengaro

He oranga whānaungatanga

Eke Tangaroa!



Katahi te kaupapa whakahirahira ka tau mai ki roto i te Wairarapa. Nō te uranga mai o te rā ki te hekenga o te makariri kua tūtū te puehu ki te whakataetae Waka ama Kura tuarua mō te rohe ō te Īpoko o te ika. I tau mai ngā Kura nō Whanganui, Papaeoia, Otaki me Te Whanganui-ā-tara mō te rangi ataahua nei. I whakauru te kura i ngā tīma e toru, he tīma tuakana tāne, tuakana kōhine me ngā teina tau 7/8. 21 katoa ā tātou kaihoe, tokorima kei te karapu o Wairarapa, tokoiwa i hoe mō te wā tuatahi, nā reira he taumata kua ekengia nā te tae atu. Tēnei e mihi ana ki ngā tauira i whakapou kaha, otira te whānau i kaha tautoko. Mate Ururoa, kaua e mate wheke!

Ehara taku toa i te toa taki tahi, Engari he toa takitini e!

Kua tae mai anō te wāhanga nei mō te poitarawhiti mō ngā tau 5 ki te 8. E tika ana me mihi atu ki a whaea Hanatea Campbell rāua ko Matua Boboy mō o rāua kaha akiaki i te tīma nei. Ka Mau Te Wehi Ngā Kākanō.

KUPUTAKA MŌ TE POITARAWHITI:

Poitarawhiti Netball

Pōro Ball

Papa Poitarawhiti Netball Court

Kōura Goal

Tarawhiti Hoop


Ipu Wai Water Bottle

Hū Shoes



Hākinakina Wharekura

Waka Ama



Ki Te Hoe!



Jutaki

TE ARANI

TE KAIAKO...



Ko Taupiri, ko Mauao ngā maunga
Ko Tainui, ko Mataatua ngā waka

Ko Waikato te awa, ko Tauranga Moana te moana
Ko Makaurau, ko Hungahungatoroa ngā marae
Ko Ngāti Mahuta, ko Ngāi Tukairangi ngā hapū
Ko Waikato, Ko Ngai te rangi ngā iwi

Tēnā tātou katoa.

Ko Te Arani Huia tōku ingoa. He uri
tēnei nō ngā iwi o Tauranga moana,
nō roto hoki o Waikato. I tipu ake au
ki raro i te korowai o Ngai Tahu ki
Ōtautahi. Kātahi anō māua ko taku
tama a Te Ātahu ka hūnuku ki
Wairarapa ki te noho tahi ki tāna
whānau.

Ko tēnei taku tau tuatahi hei
kaiako, ā, ko tēnei hoki taku tau
tuatahi hei kaiako ki te kura nei. Kei
Kura Nohinohi au e mahi ana. Ko
taku waimaria hoki ki te mahi tahi
ki ngā pī o tēnei kura.

E kaingākau ana au ki ngā mahi
Kapa Haka, ki ngā mahi kori tinana
me te noho tahi ki tōku whānau.

Ngā manaakitanga ki a koutou
katoa! :)